



PROGRAM UTROŠKA SREDSTAVA MINISTARSTVA ZA PRIVREDU BOSANSKO-
PODRINJSKOG KANTONA GORAŽDE ZA 2023. GODINU

**PROGRAM TEKUĆI TRANSFERI DRUGIM NIVOIMA VLASTI ZA RAZVOJ
TURIZMA BOSANSKO-PODRINJSKOG KANTONA GORAŽDE**

Godina:	2023
Budžetski korisnik	Ministarstvo za privredu
Ekonomski kod:	614100 RAZ 002
Naziv ekonomskog koda:	Tekući transferi drugim nivoima vlasti za razvoj turizma

Goražde, juli 2023.godine

Na osnovu člana 46. Zakona o izvršenju Budžeta Bosansko-podrinjskog kantona Goražde za 2023. godinu (“Službene novine Bosansko-podrinjskog kantona Goražde”, broj:1/23) i odredaba Zakona o ministarstvima i drugim tijelima Kantonalne uprave Bosansko – podrinjskog kantona Goražde (“Službene novine Bosansko-podrinjskog kantona Goražde “, br.9/13 i 13/13), Strategije razvoja Bosansko-podrinjskog kantona Goražde za period 2021-2027 (“Službene novine Bosansko-podrinjskog kantona Goražde”, broj:4/21), Ministarstvo za privredu Bosansko-podrinjskog kantona Goražde, **donosi:**

P R O G R A M

utroška sredstava Ministarstva za privredu Bosansko-podrinjskog kantona Goražde sa ekonomskog koda 614100 „Tekući transferi drugim nivoima vlasti za razvoj turizma“

1. NAZIV PROGRAMA

Naziv Programa je:”Program razvoja turizma u Bosansko-podrinjskom kantonu Goražde za 2023. godinu”.

PODACI O PROGRAMU

Period realizacije Programa: 01.01.-31.12.2023.godine

Budžetska pozicija: “Tekući transferi drugim nivoima vlasti za razvoj turizma”

Ekonomski kod: 614100 RAZ 002

Ukupna vrijednost Programa: 150.000,00 KM

Odgovorna osoba: Zijad Briga

Pozicija odgovorne osobe: Ministar

Kontakt osoba za Program: Minela Bašić

Kontakt telefon: 038-224-264

Kontakt e-mail: minela.basic@bpkg.gov.ba

SAGLASNOST NA PROGRAM

Saglasnost na ovaj Program, u skladu sa članom 44.Zakona o izvršenju Budžeta Bosansko-podrinjskog kantona Goražde za 2023.godinu (“Službene novine Bosansko-podrinjskog kantona Goražde”, broj:1/23), je dala Vlada Bosansko-podrinjskog kantona Goražde Odlukom broj: od .godine.

2. SVRHA I OPIS PROGRAMA

2.1 Svrha Programa

Na osnovu Zakona o ministarstvima i drugim tijelima kantonalne uprave Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 9/13,12/13), nadležnosti Ministarstva za privredu Bosansko-podrinjskog kantona Goražde su predlaganje i provođenje politike u oblasti industrije, poduzimanje mjera za unaprjeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprjeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementacija politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politike razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde. „Program razvoja turizma u Bosansko-podrinjskom kantonu Goražde za 2023.godinu“ usklađen je sa Zakonom o izvršenju Budžeta Bosansko-podrinjskog kantona Goražde za 2023. godinu (“Službene novine Bosansko-podrinjskog kantona Goražde”, broj:1/23), Programom rada Vlade Bosansko-podrinjskog kantona Goražde za 2023. godinu, Strategijom razvoja Bosansko-podrinjskog kantona Goražde za period 2021-2027.godine, (“Službene novine Bosansko-podrinjskog kantona Goražde”, broj (04/21). Svrha Programa je da u skladu sa članom 46. Zakona o izvršenju Budžeta Bosansko-podrinjskog kantona Goražde za 2023.godinu osigura planski i transparentan utrošak sredstava odobrenih na ekonomskom kodu 614100 RAZ 002 - Tekući transferi drugim nivoima vlasti za razvoj turizma.

2.2 Opis Programa

Program utroška je provedbeni akt Ministarstva za privredu Bosansko-podrinjskog kantona Goražde koji osigurava da se planirana sredstva u budžetu Ministarstva za privredu Bosansko-podrinjskog kantona Goražde koriste na transparentan, specifičan, mjerljiv način u vremenski određenom periodu sa namjerom/svrhom da se omogući povećanje aktivnosti u sektoru turizma i poboljšanje ukupne kvalitete života na prostoru Bosansko-podrinjskog kantona Goražde.

Programom će se obezbijediti, sufinansiranje projekata u oblasti turizma na području Bosansko-podrinjskog kantona Goražde s namjerom obogaćivanja ponude i stvaranja novog prepoznatljivog turističkog proizvoda, projekte koji se odnose na razvoj i proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde, kao i novog zapošljavanja. Program utroška je ključni provedbeni dokument za ostvarivanje ciljeva Vlade Bosansko-podrinjskog kantona Goražde u sektoru turizma za 2023.godinu. Program utroška sredstava sa ekonomskog koda 614100 RAZ 002- Tekući transferi drugim nivoima vlasti za razvoj turizma Ministarstva za privredu Bosansko-podrinjskog kantona Goražde za 2023. godinu (u daljem tekstu Program), definiše bitne elemente za dobijanje saglasnosti za Program od strane Vlade Bosansko-podrinjskog kantona Goražde, kao što su opći i posebni ciljevi Programa, kriteriji za raspodjelu sredstava, potrebna sredstva, korisnici sredstava, procjena rezultata. Bosansko-podrinjski kanton Goražde već duži niz godina stagnira po pitanju poboljšanja u jednom od

ključnih indikatora razvoja turističke djelatnosti kao što su broj dolazaka turista i broj noćenja.

3. OPĆI I POSEBNI CILJ PROGRAMA

3.1. Opći (osnovni) cilj

U skladu sa Programom rada Ministarstva za privredu BPK Goražde, osnovni ciljevi Programa su proširenje turističke ponude, aktiviranje turističkih resursa i potencijala i uvrštavanje istih u turističku ponudu Bosansko-podrinjskog kantona Goražde, promocija turizma na području Bosansko-podrinjskog kantona Goražde.

3.2. Posebni (specifični) ciljevi Programa

U skladu sa općim ciljem, posebni ciljevi Programa su:

1) Povećanje javne turističke infrastrukture na području Bosansko-podrinjskog kantona Goražde, pod projektima javne turističke infrastrukture podrazumijevaju se sportsko-turistička infrastruktura, turistički parkovi i izletišta, vidikovci i odmorišta, turističke rute i putevi, infrastruktura za razvoj kulturnog turizma, infrastruktura za razvoj vjerskog turizma, planinarska infrastruktura, lovna i ribolovna infrastruktura, infrastruktura za razvoj turizma u zaštićenim područjima, info-ploče i turistička signalizacija, i ostala javna turističku infrastruktura, a provode se na područjima i dobrima koja su u javnom vlasništvu.

2) Promocija turističkih potencijala Bosansko-podrinjskog kantona Goražde kroz, kreiranje novih turističkih sadržaja, posebni oblici turizma, kao što su rekreativni, ruralni, lovni, zdravstveni, eko, vjerski, unapređenje i poboljšanje cjelokupnog sistema turističkog informisanja.

3) Poboljšanje kvaliteta ponude u oblasti turizma na području Bosansko-podrinjskog kantona Goražde s namjerom obogaćivanja ponude i stvaranja novog prepoznatljivog turističkog proizvoda kroz unaprjeđenje postojećih turističkih potencijala ,analiza postojeće turističke ponude i mogućnosti za aktiviranje dodatnih turističkih resursa, uvezivanje elemenata turističke ponude u turističke proizvode radi uspostavljanja atraktivnih turističkih ruta.

Sredstva za sufinansiranje projekata po posebnom cilju 1. i 2. se mogu odobriti turističkim organizacijama sa područja Bosansko-podrinjskog kantona Goražde ,za projekte koji će se realizovati isključivo na području Bosansko-podrinjskog kantona Goražde, dok na poseban cilj 3. mogu aplicirati udruženja registrovana u oblasti turizma na području Bosansko-podrinjskog kantona Goražde.

Svrha posebnog cilja je da turistička djelatnost ima značajan utjecaj na ekonomski razvoj, zapošljavanje, generisanje dohotka i poboljšanje ukupne kvalitete života na prostoru Bosansko-podrinjskog kantona Goražde.

4. POTREBNA SREDSTVA ZA PROVOĐENJE PROGRAMA

4.1. Visina sredstava za provođenje Programa

Potrebna sredstva za provođenje Programa definisana su u Budžetu Ministarstva za privredu Bosansko-podrinjskog kantona Goražde za 2023.godinu, na ekonomskom kodu 614 100 RAZ 002-Tekući transferi drugim nivoima vlasti za razvoj turizma, u ukupnom iznosu od 150.000 KM. Za:

Za prvi posebni cilj predviđena su sredstva u iznosu od 45.000 KM, za drugi posebni cilj predviđeno 85.000 KM dok je za treći cilj predviđeno 20.000 KM.

U slučaju potrebe, Ministarstvo za privredu Bosansko-podrinjskog kantona Goražde može napraviti preraspodjelu sredstava sa jedne na drugu komponentu (posebni cilj) u iznosu do maksimalno 10 procenata od iznosa komponente sa koje se sredstva prenose. Preraspodjelu ovih sredstava Ministarstvo za privredu Bosansko-podrinjskog kantona Goražde će izvršiti Odlukom ministra za privredu Bosansko-podrinjskog kantona Goražde.

5. KRITERIJI ZA RASPODJELU SREDSTAVA

5.1. Način raspodjele sredstava

Raspodjela sredstava vrši se dodjelom državne pomoći za svrhe predviđene poglavljem 3. Programa. Raspodjela sredstava vršiće se na osnovu odobrenih Projekata u skladu sa posebnim ciljem Programa. Konačnu saglasnost na spisak korisnika sredstava državne pomoći iz ovog Programa daje Vlada Bosansko-podrinjskog kantona Goražde. Sredstva iz ovog Programa dodjeljivaće se u formi sufinansiranja troškova.

5.2. Kriteriji za raspodjelu

Sredstva iz Budžeta Ministarstva za privredu Bosansko-podrinjskog kantona Goražde za 2023.godinu će se dodjeljivati korisnicima, srazmjerno njihovom doprinosu ostvarivanja općih i posebnih ciljeva i očekivanih rezultata Programa. Za ocjenjivanje doprinosa ostvarivanja posebnog cilja Programa primjenjivat će se dva eliminatorna kriterija i jedan kriterij za rangiranje aplikacija.

Eliminatorni kriteriji su:

1. Ispunjavanje općih uslova za učestvovanje u Programu,
2. Ispunjavanje posebnih uslova za učestvovanje u Programu.

Kriterij po osnovu kojeg će se rangirati korisnici sredstava je rezultat procesa apliciranja, selekcije i evaluacije projekata.

5.3. Opći uslovi za učestvovanje u Programu

U implementaciji Programa primjenjivaće se restriktivne procedure koje omogućavaju ravnopravno učestvovanje u Programu svim licima koja spadaju u jednu od sljedećih kategorija:

- a. da imaju status Turističke organizacije na prostoru Bosansko-podrinjskog kantona Goražde, registrovane kod nadležnog organa,
- b. da imaju status udruženja i rješenje o registraciji kod nadležnog organa u Bosansko-podrinjskom kantonu Goražde u oblasti turizma

Lica koja spadaju u kategoriju iz prethodnog stava obavezna su ispunjavati sljedeće opće uslove za učestvovanje u Programu:

1. Da imaju registraciju i sjedište na prostoru Bosansko-podrinjskog kantona Goražde,
2. Da imaju ugovor o otvorenom bankovnom računu,
3. ID broj aplikanta (identifikacioni broj aplikanta),
4. Da nemaju neizmirenih obaveza za poreze i doprinose, osim obaveza koje su obuhvaćene ugovorom o reprogramiranju duga
5. Da imaju Obavještenje o razvrstavanju pravnog lica po „Klasifikaciji djelatnosti Bosne i Hercegovine 2010”.

5.4. Posebni uslovi za učestvovanje u Programu

U implementaciji Programa, pored općih, primjenjivaće se i posebni uslovi za učestvovanje u Programu.

Posebni uslovi koji se primjenjuju za aplikante su:

1. Da spadaju u a. ili b. kategoriju lica kojima je općim uslovima omogućeno učestvovanje u Programu.
2. Da su ispunili ugovorene obaveze i namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena.
3. Da se realizacija projekta planira u skladu sa procedurama predviđenim Programom.

Sredstva su namijenjena privrednim društvima i udruženjima koja su registrovana kod nadležnog organa za oblast turizma, a koji apliciraju sa projektom koji je u skladu sa općim i posebnim ciljem Programa.

5.5. Kandidovanje prijedloga projekata

Prijedlozi projekata dostavljaju se nakon objavljivanja javnog poziva, koji se raspisuje u skladu sa odredbama Programa

Prijedlozi aplikacija se dostavljaju isključivo putem aplikacione forme za projekte. Ministarstvo za privredu Bosansko-podrinjskog kantona Goražde može raspisati i ponovni javni poziv u slučaju da se ne utroše sva sredstva planirana Programom. Svi prijedlozi prijava se procjenjuju u skladu sa procedurama apliciranja, selekcije, evaluacije i rangiranja.

5.6. Procedure apliciranja, selekcije i evaluacije projekata

5.6.1. Aplikanti

Lica koja ispunjavaju opće uslove za učestvovanje u Programu i koja u formi propisanoj od strane Ministarstva za privredu Bosansko-podrinjskog kantona Goražde dostave projekte imaju status aplikanta. Prvi javni poziv se raspisuje po dobivanju saglasnosti na Program od strane Vlade Bosansko-podrinjskog kantona Goražde. Javni poziv minimalno sadrži sažetak svrhe općeg i posebnog cilja, način raspodjele i rokove za dostavljanje aplikacija. Javni poziv se objavljuje na internet stranici Vlade Bosansko-podrinjskog kantona i u jednom ili više elektronskih medija.

5.6.2. Kandiovanje prijedloga projekata

Aplikant može kandidovati zprojekat u kojem je planirano finansiranje troškova projekta iz sredstava Programa. Aplikant može dostaviti samo jedan projekat u okviru jednog cilja a u skladu sa procedurama predviđenim Programom.

5.6.3. Finansiranje prijedloga projekata

Maksimalni iznos koji može biti zatražen za finansiranje projekta po ciljevima:

Cilj 1 – do 45.000 KM

Cilj 2- do 85.000 KM

Cilj 3- do 5.000 KM

Aplikacije pisane rukom će biti automatski odbijene.

5.6.4. Otvaranje aplikacija i administrativna provjera

Otvaranje aplikacija i administrativna provjera projekta se provodi nakon zatvaranja javnog poziva.

Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu da odredbama ovog Programa. Administrativnu provjeru vrši komisija Ministarstva za privredu Bosansko-podrinjskog kantona Goražde. Administrativnom provjerom se utvrđuje:

- da li je aplikacija dostavljena u roku i na način predviđen Programom,
- da li su dostavljeni svi prilozi na način predviđen Programom koji su navedeni u prilogu aplikacionog obrasca,
- da li aplikant ispunjava opće uslove za učestvovanje u Programu,
- da li aplikant ispunjava posebne uslove Programa,
- da li je aplikacija potpuna i ispravno popunjena u skladu sa propisanom formom,

- da li je aplikacija usklađena sa svrhom Programa, općim ciljevima Programa, da li je zahtjevana podrška u skladu sa posebnim ciljevima Programa i da li je predloženo finansiranje u skladu sa odredbama o finansiranju.

Ukoliko su ovi uslovi ispunjeni, komisija će aplikaciju evaluirati u skladu sa odredbama Programa. U suprotnom aplikacija će i bez evaluacije biti odbijena iz administrativnih razloga.

5.6.5. Evaluacija dostavljenih prijedloga projekata

Za provođenje procesa selekcije, evaluacije i ocjenjivanja aplikacija Ministarstvo za privredu Bosansko-podrinjskog kantona Goražde formira komisiju. Komisija provodi evaluaciju dostavljenih zahtjeva nakon provedene administrativne provjere. Komisija sve dostavljene aplikacije razmatra i evaluira u periodu od maksimalno 30 dana od završetka administrativne provjere.

U evaluaciji projekata komisija primjenjuje pet grupa indikatora i to:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

5.6.6. Ocjenjivanje aplikacija

Evaluacija aplikacija se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjena:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova po zahtjevu za sredstvima iznosi 100.

Prijekti koji imaju manje od 70 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova. Ukoliko je ukupan rezultat u poglavlju **budžet i troškovna efikasnost** manji od 15 aplikacija se odbija, bez obzira na dobiven ukupan maksimalan broj bodova.

Komisija će procjenjivati vrijednost indikatora. Prilikom određivanja vrijednosti indikatora komisija će se pridržavati prioriteta, finansijskih kriterija i načina rangiranja koji su propisani Programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjele sa brojem članova komisije.

(5.6.7)
(Skala za evaluaciju)

INDIKATOR	SKALA
	Projekti
1. Finansijski i operativni kapaciteti aplikanta	10
1.1. Procjenjeni nivo iskustva aplikanta u upravljanju projektom?	5
1.2. Procjenjeni nivo tehničkog i stručnog znanje i iskustva neophodnog za implementaciju projekata?	5
2. Relevantnost	25
2.1. Koliko je aplikacija relevantna za svrhu, opći i posebni cilj Programa?	5
2.2. Koliko je aplikacija relevantna za prioritetne aktivnosti u okviru posebnog cilja?	5x2
2.3. Koliko je aplikacija relevantna za očekivane rezultate Programa?	5x2
3. Metodologija	10
3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta a koji mogu doprinijeti rješavanju problema?	5
4. Održivost	25
4.1. Da li će mjere podrške Programa značajnije doprinijeti rješavanju problema koji je naveden u prijedlogu projekta?	5
4.2. Da li predložene aktivnosti mogu imati pozitivne multiplikativne efekte na razvoj turizma u Bosansko-podrinjskom kantonu Goražde?	5x2
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz Programa, u periodu od minimalno tri godine?	5x2
5. Budžet i troškovna efikasnost	30
5.1. Da li je odnos između planiranih troškova i očekivanih rezultata zadovoljavajući?	5x2
5.2. Da li je visina predloženih troškova adekvatna za implementaciju planiranih aktivnosti?	5x2

5.3. Da li su predloženi troškovi aktivnosti obrazloženi na način da dokazuju da će sredstva Programa biti iskorištena na efikasan i ekonomičan način?	5x2
MAKSIMALAN BROJ BODOVA	100

5.6.8. Procedure odobravanja prijedloga projekata

Aplikacije podnešene u formi projekta koj su u procesu evaluacije dobile više od 70 bodova, komisija rangira po broju osvojenih bodova.

U procesu odobravanja, Komisija može uvidom na terenu provjeriti stanje u pogledu usklađenosti stvarnog stanja sa stanjem navedenim u projektu.

Nakon provedenog rangiranja, komisija predlaže odobravanje projekata u punom ili umanjenom iznosu u zavisnosti od rezultata procesa evaluacije istih i dostavlja ministru za privredu Bosansko-podrinjskog kantona Goražde.

Odobrene projekte Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta BPK Goražde za 2023.godinu, donese Odluku o odobravanju projekata koji će se finansirati sredstvima iz budžeta Ministarstva za privredu Bosansko-podrinjskog kantona Goražde – ekonomski kod 614 100 RAZ 002 – Tekući transferi drugim nivoima vlasti za razvoj turizma.

Istovremeno sa prijedlogom Odluke o odobravanju projekata, Vladi Bosansko-podrinjskog kantona Goražde se dostavljaju i nacrti ugovora o finansiranju odobrenih aplikacija.

Ukoliko se Odlukom Vlade Bosansko-podrinjskog kantona Goražde o davanju saglasnosti na spisak korisnika odobrava iznos granta veći od 10.000 KM, prije potpisivanja Ugovora, nacrt Ugovora dostavlja se Kantonalnom pravobranioocu na Mišljenje.

U slučaju da je planirano finansiranje Projekata iz Programa veće od 6.000 KM i manje od 50.000 KM, uz nacrt Ugovora podnosi se i Prijedlog Zaključka Vlade Bosansko-podrinjskog kantona Goražde o davanju saglasnosti Ministru za privredu Bosansko-podrinjskog kantona Goražde za potpisivanje Ugovora.

Nakon prihvatanja prijedloga Odluke o odobravanju projekata za isplatu sredstava od strane Vlade Bosansko-podrinjskog kantona Goražde i pribavljenog Mišljenja kantonalnog pravobranilaštva na Nacrt Ugovora, pristupa se potpisivanju Ugovora za finansiranje zahtjeva. Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Nakon potpisivanja Ugovora i obezbjeđenja instrumenata za namjenski utrošak sredstava, Ministarstvo za privredu Bosansko-podrinjskog kantona Goražde dostavlja zahtjev Ministarstvu za finansije Bosansko-podrinjskog kantona Goražde da izvrši isplatu sredstava iz budžeta Ministarstva za privredu Bosansko-podrinjskog kantona Goražde, sa ekonomskog kod 614 100 RAZ 002 – Tekući transferi drugim nivoima vlasti za razvoj turizma.

6. KORISNICI SREDSTAVA

Korisnici sredstava su lica koja ispunjavaju opće i posebne uslove Programa i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog Programa. Korisnici sredstava predviđenih Programom su Turistička organizacija na području Bosansko-podrinjskog kantona Goražde i udruženja su registrovana kod nadležnog organa za oblast turizma.

6.1. Prioritetne aktivnosti i prioriteta područja

Programom su predviđene prioritetne aktivnosti i prioriteta područja i to:

- Proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde.

6.2. Finansijski kriteriji

Finansijski kriteriji se primjenju za ocjenu budžeta i troškovne efikasnosti predloženih aktivnosti. Finansijski kriteriji primjenjivaće se u skladu sa procedurama predviđenim Programom.

7. POTREBAN BROJ RADNIKA ZA PROVOĐENJE PROGRAMA I MONITORING

7.1. Potreban broj radnika za provođenje Programa

Za provođenje Programa su nadležni zaposleni u Ministarstvu za privredu Bosansko-podrinjskog kantona Goražde i Program ne zahtijeva angažovanje dodatnih radnika na provođenju Programa.

7.2. Monitoring implementacije i provođenja Programa

Monitoring se provodi sa ciljem utvrđivanja da li se implementacija podržanih aktivnosti provodi u skladu sa Odlukom o dodjeli sredstava i u skladu sa odredbama ovog programa. U cilju osiguranja procjene rezultata odabrani korisnici su dužni nakon i u toku utroška odobrenih sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koje su odobrene za finansiranje iz Programa.

Nadzor realizacije Programa utroška sredstava sa ekonomskog koda 614 100 RAZ 002–Tekući transferi drugim nivoima vlasti za razvoj turizma vrši komisija Ministarstva za privredu Bosansko-podrinjskog kantona Goražde.

U slučaju da rezultati monitoringa ukažu na zaostatak u ispunjavanju ugovorenih obaveza, Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde donošenje Odluke o povratu dodjeljene državne pomoći ili preusmjeravanje u skladu sa odredbama programa.

8. PROCJENA REZULTATA

Realizacijom programa očekuje se ostvarivanje konkretnih rezultata od strane aplikantata kojima su odobrena sredstva.

U cilju osiguranja procjene rezultata programa, odabrani korisnici koji su dobili podršku, dužni su, nakon utroška odobrenih sredstava, dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koja su odobrena za finansiranje iz programa.

9. PROCJENA NEPREDVIĐENIH RASHODA I RIZIKA

9.1. Nepredviđeni rashodi

Kako bi se smanjili nepredviđeni rashodi unutar šeme podsticaja uvedeni su strogi finansijski kriteriji koji ograničavaju obim ostvarivanja podsticaja. Dodatno obezbjeđenje za nepredviđene rashode je uvedeno kroz minimalne/maksimalne vrijednosti izdataka za poseban cilj čime je Program dodatno zaštićen od nepredviđenih rashoda.

Nepredviđeni rashodi mogu se pojaviti u slučaju povećane potražnje za podsticajnim mjerama obzirom da, zbog nedostatka novčanih sredstava u budžetu Ministarstva za privredu Bosansko-podrinjskog kantona Goražde nisu planirana dovoljna sredstva za ove namjene.

9.2. Rizici

Kako bi se smanjili rizici u procesu implementacije Programa uvedene su novine i u procesu selekcije i u monitoringu aktivnosti koje su podržane u okviru ovog Programa. Novine se odnose u omogućavanju službenicima terenske posjete i prikupljanju dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim Programom.

10. STUPANJE NA SNAGU PROGRAMA

Ovaj Program stupa na snagu danom davanja saglasnosti na isti od strane Vlade Bosansko-podrinjskog kantona Goražde a naknadno će se objaviti u Službenim novinama Bosansko-podrinjskog kantona Goražde.

Broj: 04-11-1455-2/23
Goražde, 07. 07/23.godine



MINISTAR

Zijad Briga